

朱九江先生集

朱九江先生集卷一

詩

與陳五二首

蒼兕嘯驚風浩然滿南山豈爲憑高力聲洪能自傳宛彼同舍  
子欲達無由緣夙夜亦勞止將意何拳拳襟抱各有適挽推良  
獨難孤蓬託吹噓驟入浮雲端浮雲無根蒂一隕卽深淵君子  
崇令名豎立靡所干

去者未可留來者未有涯茫茫造化運使我心傷悲朝才黃口  
出莫還華顛歸向所親植樹攬條皆十圍氣結不能言逝欲與  
俗辭洪喬不在世快惆終何之矯首望八荒孰是長年姿所願  
崇令名不朽以相貽

過明二夜話追悼賁亭秀才

秀才赴試  
溺水死

楓沓愁雲墮古祠吟猿唳鶴有餘悲  
笙篴樂府公無渡金錯佳  
人我所思何處招魂歸屈子可曾穿冢傍  
要離清才例使蛟龍  
得千載哀歌爲涕洟

懷廖二

熊光清遠縣

直北風聲勁平西日氣迷秋從雙峽老  
天入百蠻低異地容龍  
性前程信馬驍行人例回首肯聽子規  
啼

造梁

錫不值有題

橡葉鬱飛翾無人江上尊我攜邛竹杖  
訪爾桃花源  
陳雨不成  
滴荒雲流到門  
兩三松宛在倚徧更何言

讀史

破碎羣雄六駕回甲兵土木總爲災可憐一炬咸陽火不及詩  
書有劫灰

廿載深裁車服費百金終缺露臺工君王自惜中人產獨有銅  
山賜鄧通

長門宮怨久煩紆禍起泉鳩慘重誅聞道至尊慕黃帝不妨脫  
屣視妻孥

故劍關情竟亦忘拌留一書玷朝綱宋宏僕道無心語聞否糟  
糠不下堂

背芒驂乘久滋疑厚毒殲旃實隱私堪歎分封頻晉秩受恩卽  
是受夷時

氣盡漳江七十墳分香賣履復何云堂堂白帝傳遺詔天下英

雄獨使君

道上吟贈陳千戶

亦知驛程苦頓頓策征鞍秋色關河莫離聲水石寒風塵淹客  
易衣食累人難遙指西南道龍山路渺漫

至日懷族子廷光二首

日至繁陰積天涯舊雨多性情廷吉尺心事魯陽戈宛宛凋殘  
景恩恩俯逝波行吟怨勞者風雪大江沱

及爾一揮手臨風空斷腸乾坤餘聚散身世閱蒼茫朔吹零孤  
館江聲碎夕陽愁心驚晚序連夜夢河梁

寒食

母背頑兒去回頭又七年隻身今異地寒食一淒然末學羈明

試勞人悔汗篇弟兄家薦酒曾否及重泉

思元一首

寸筋不控弦拳石不障川矧我思元子而能馭世緣性畸天不  
弔愁重酒無權誰爲滋丹棘忘憂耳目前

登雞冠鎮

雄拔雞冠鎮容光照四圍壁空青不斷鞭石赭橫飛厓後千峯  
伏春前一客歸異花開更早點點滴征衣

謝張十二

百妄紛紛不自芟須眉磊磊語謫謫古人不作吾安放世路將  
深骨已凡每苦儒風侵任俠久因騷雅惜彭咸多君遠惠長生  
訣哈模羹藜勸老饒

偶感爲蘇使君

吳儂載桃葉桃葉竟成歌一棹滄江去春風楊柳波  
路人驚欲絕君子意如何誰念空谷裏天寒牽女蘿

卽事

鵲唳亦已殘花落更如注餞春春不歸飛上刺桐樹

溯江

風悄夜冥冥沿波拾遠馨煙平山帖岸潮落水流星  
龍女張華蓋仙雲下翠耕招吾鵝鵲漢躡彼鳳皇翎

和曉崖先生次羚羊峽之作

江聲急斷援行客曉投村潮湧神魚見風喧野馬奔  
洶洶天影溼黯黯石牀昏賞景行沾得懸囊五斗尊

夜泊東坡亭

槁葉颯如雨蕭蕭墜客舟雖無隔船笛已動四山秋古事文章  
淚長江日夜流還攜一瓢酒前渡上層樓

書趙歐北年譜

早向戎樞側足來海涵地負見天才男兒自有千秋業堪笑平  
生志大魁

微倖科名意氣紆然灰難認此模糊鳴孤篝火成何事總是人  
閒小丈夫

過先孺人墓

遙遙屈指恨重編滴滴酸心淚到泉不堪斷卉荒苔感又入嚴  
寒涸凍天亂蟋吟邊秋似夢慈烏聲裏雨如煙頭顱爾許人猶



昔愴絕人閒二十年

江樓中秋夜同張十二

今夜西樓月離憂感慨多酒悲與詩興一夕滿關河我亦行吟者扶闌發浩歌翻飛問羈羽戢翼竟如何

十六夜復登忠良山

前十四日與馮四穎標登此時十一月

今宵仍作月圓看刷眼憑臨忽改觀百粵山河迷積氣萬家魂夢送狂瀾山靈可笑重來急人世無如獨立難絕頂峯頭拌作主年時原不懼高寒

石面團團凍欲冰最荒涼處倩誰爭窮冥雲重天無力哀壑風高月有聲揖鶴正思疇昔夜棲烏頻報短長更厓顛恨少梅花國留住行滕臥玉英

送馮四

海日落人面北風江上來慶君一卮酒明日故園梅勢飽飛帆  
利寒生大壑哀傾筐盈卷耳歸及酌金罍

題里甫先生所藏劍

王者今無戰杜神淵欲蛻形斂雲宵練白照眼血痕青忽漫三  
年別摩挲幾字銘頭顱重如許一夜鬢垂星

馮大卉蒼

彙詩卷屬爲點定因繫以詩

嬾人減睡夜看月睡醒矐矐白生室天公爲我洗羞顏一霧漲  
羅三丈日是誰剝啄警尸寢發簡吟哦紛玉屑豪猛或餘螭蚓  
雜芳菲未許蘭蓀歇記識君才何日始泥飲吾廬得酒別醉客  
風交亂竹影詩人轂轉生蓮舌蛟龍出紙雷聲碎璜璫霏光玉

花徹大巫壓已魂怍怍小別催人波冽冽錦章竟缺七襄報斗  
柄虛仍三載揭太息前塵春一夢豈謂國工肱九折我今臥病  
山海深倦眼昏花書卷撤白日終然怯牛門碧海何因歎鯨掣  
將無錯認馬識塗爲遣澄清魚有鱗目不見目固其理心以印  
心更何說晏歲恩恩寒暑急霜風慄慄冬山嶠次君詩卷憶方  
山馮方山先生傳經堂集其族子侶笙明府屬余編校我亦門庭滿枯葉

張十二秀才前見投有白石詩詞姜仲友蒼生憂樂范希  
文之句比者其配王夫人次云五常譽擅眉皆白兩社  
功占手有文藻異龍鸞讀終愧仄將秦徐徽韻未沫於  
茲卽勉訓四首

十載吟秋客狂歌倒接羅精神空滿腹混沌乃書眉豈謂潛夫

論題來幼婦碑山公原量勝底用隔屏窺

昭質靈均傲繫余猶未虧幾憐牛馬走終忍鳳皇飢舊下梅花  
拜人傳翳葉癡通材隨地愧持爾報心知

昔日移居約樵峯西復西名山千古事回首萬行嘔張適歸花  
僕梁鴻椎髻妻更無門內助詩卷待金鎔

天上張公子杜句靈如唱和來國風能好色吾意更憐才蔚跂金  
闡彥鏗鏘玉鏡臺郵書應繼讀華露沅玫瑰

官洲渡望西樵阻潦晚泊龍津

含珠玉液未全灰倚櫂平瞻見日臺蒼嶂迴迴天影合黃流洶  
洶客愁來帆鈔沙鳥孤音上風破洲蘋萬葉開爵室鸞旂橫渡  
晚凡今誰是濟川才

詠西樵雙瀑詩

玉龍下碧霄盜飲樵西水街山爲窟宅鬢鬢交角抵二龍表厓  
屢細者知凡幾踞水恣婪酣藉雲爲蒙恥散沫從風翔半月雨  
纚纚雲師不世情救雲上天咫尺東雲湧其脊西雲出其趾雲腳  
見垂胡雲頭有掉尾雲盡得蜿蜒山青暮煙紫龍怒作雷鳴三  
日聒人耳茲山本非奇奇以龍怪詭失雲龍不飛龍飛山亦死  
帝昔觴百神傳聞正於此龍也醉餘慙嗜味遂無已至今千億  
年雷公呼不起我來暑雨後揜身絮雲裏狎龍龍性馴衙衙弄  
厥齒余詩解奇語龍亦通畫理示我水墨圖欲拓山作紙我試  
拈句答掀舞若色喜日中交易退譬趁官山市終焉此誅茅望  
衡講鄰誼名山亦細事蒼生方待爾且去天際行灑潤及千里

朱九江先生集卷一終

再傳弟子校葉於讀書草堂

朱九江先生集卷二

詩

與李大鳴韶夜話有贈

名士貧來有宦情，聞諸先輩李黼平。  
吾道貧非士也，苦苦以無力振貧。  
故錦衣怒馬僕曼胡君，昔視之不如奴。  
歎然欲起六月息，身落南蠻心注北。  
芭蕉戰雨碎可憐，仍扈江離障蘭蓀。  
宏獎之風近來少，休文休進彈蕉表。

同李梅遊葉家池上作

月色浴四郊，天水一氣警。  
坐令夜遊子，投身藐姑頂。  
呼吸入肺肝，照見冰玉影。  
坊鏤誰家石，名氏高蔚炳。  
百年如轉燭，薦及孫曾等。  
想見恤緯人，嚴節秋霜冷。  
厯厯封塘皎，鬱鬱松煙暝。  
寒流

瀉微茫河漢相與永何處人語喁溪陰問漁艇

泊勒樓阻滯候潮

天風無定吹昏晝錯南北藉休勞者歌席遂歸哉客微斷不濡  
軌曲激愆挂席夕宿勒樓潮朝自珠江驛旅夢墮茫昧鄉音失  
咫尺誤以赴壑蛇例茲退風鶴人語寂無寐川光盪相射迴颿  
晚淒緊初曜早旁魄撈幽起沈鱗睇遠送歸翼紛予豈無涯悟  
彼各有適嗜進少夷塗往塞有安宅冥心事元牝跋胡謳赤舄  
把酒還獨斟共濟知衆力與之亦應委蛇無爲感行役

題關鴻遺藁二絕句

鴻邑武生

著弁能詩鎮可憐短詞那厭舌  
上蓮王郎錦段無消息零落人  
閒已十年



儒冠多誤豈吾欺君自言愁我賞詩何處哀鴻遺遠響碧雲日  
莫倚欄時

柏林寺

萬緣足涼色脩條生遠音道人日孤往對此遙山岑鐘磬有時  
響雞蟲無俗心欲參虎溪笑流水發清吟

絕句

空香入碧紗濃翠亞檐牙何處雙禽語一庭吹柚花

出門歎

壯士行何畏今朝獨泣然依人愁廡下爲客在春前老母背煢  
淚臨門雪墮顛松楸指遊子霜露滿新阡

有感

謹案先生此詩紀  
回部張逆之難

王度無中外恩言有歲年一方苞櫟挺六月羽書傳敢以烽爲  
戲須明國有權整疆光舊物不擬勒燕然

驀地驚風鶴懸軍戰氣孤櫻城猶鎖鑰報國乃頭顱慘淡歸朱  
鳥蒼黃叫白鳥鬼雄應擊賊爲我激頑夫

宵旰酬天祖 皇心獨斷忙六師分將帥萬馬踏甘涼駝足傳  
烽急鴉兒引隊疆抱陰噓燭火爲語日堂堂

專閫三台老旄幢待策勳師儲九節度天落一將軍卵弱知能  
壓巢連未易焚韜鈴須努力 聖主日憂勤

百萬搜軍實糧儲責大農捐輸盡南海飛輓繼前鋒廩藏資先  
事安危在正供似閭司會議有藉世時雍

痛昔金雞詔天慈豈伏戎忍言猿鶴警莫恃馬牛風何日從羣

醜夫人怨狡童快心報四境一示漢穹隆

動我莎車鎮微聞勢不孤蠓螭蟠塞險豺虎訖天誅  
帝力乾坤正秋防士馬羈野心多反側長願控彫弧

贈黃處士

陳秀才文瑞數道其人故遙贈之

佳人類潛虬抱寶媚幽獨以彼影迹深閱此風波逐言高耿華  
皓破閒課花竹十日不啟關開闕到耆宿世無鹿門龐得見此  
翁足佛鎮富生事轂轳舟連舳攘攘數錢刀擾擾爭燕蝠在衆  
彌見寡心骨無由俗想當汾江流孤浸方寸玉次也走熱人剔  
面塵一斛堪哂鄙嘉賓好聞隱車服卻似貴家屏一例畫茆屋  
慕君人目笑聞君吾耳熟得遂隱者便煙霄控黃鵠

李大

鳴韶過宿

我本栖栖者逢君更不堪捫天窮舊夢罵鬼鑿空譚縹緲江皋  
珮淒清海岳庵同心有緣法莫怪味醃醃

重有感

雄劍鳴鞘夜有聲羽書馳報氣縱橫忍思敵壘遺巾幘誰挽天  
河洗甲兵都尉合摩頭曼陣將軍曾守亞夫營糜軀裹革忠良  
事願納靴刀答 聖明

籌軍轉饒日交馳犁穴揜渠計豈卑果有檻車收五厲何因擎  
帶重三褫負隅屢縱張牙勢射石終無飲羽奇振指又鄰寒食  
節令人目倦凱還時

羣公讜議意何如良肉奚堪復養疽未必摸金皆校尉可憐輸  
粟已尚書助軍幾見蕭丞相策變今無陸敬輿不是帑藏先侈

耗洪河流患十年餘

邊風朔雪古涼州  
關外徬徨定遠侯  
孽種可應憐馬角  
畜鳴何意累人頭  
颺天烈燄熊熊起  
決地頽波橫橫流  
弱冠請纓男子志  
愁從鐙下看純鉤

登文瀾閣懷馮太學北行

郊行風物苦淒迷  
傷別傷春氣漸低  
愁上高樓望鄉國  
大江無際夕陽西

嶺梅昔別凍初含  
京柳今來影半毵  
蹤跡如雲春似夢  
可從江北望江南

賦得新松

越華講院陳蓮史師席上應教

分得蒼株煙雨濃  
滋培造化與同功  
著書歲月忘年對  
起顰雲

雷有日通御李漸吹寒謾謾補蘿休待蓋童童棟材未必千人  
見但聽風聲便不同

訓廷光見寄

一風三日吹倒山鬼驛

驛名

人家朝閉關歸鴻寄聲不到地長風

送入懷袖閒故人知我狂落魄三歲黃楊閨當厄乞米虛投日  
下交賣文豈壯牀頭色童蒙遶案蠅鳴細老瓦打頭蝸寄窄吹  
來題翰眼忽明載讀詩篇舌尤咋上言念子貧無慘搔首欲問  
蒼蒼高下言窺天天有說聊疏前聞證一一是誰賣春長安道  
是誰逆旅遭呵喝九轉鑪鞴內景鉛玉瑞琤琤卞和血先洩後  
笑稽古然揖我謂我相頑頤我聞此語三歎呼乾坤橐籥眞區  
區摩厲庸虛使才傑如扶窮袴追錢租將毋本初翦奄豎疑似

乃及無須奴芒芒宙合成今古豐瘠彭殤竟誰主七尺臨風私  
自憐寸丹照日知何補不如痛飲兼吟哦菀枯且勿爭么麼曦  
月西滔東逝波昨日漆髮今爲僭典裘合辦金叵羅曰歸吾及  
春風和招尋過汝山之阿江流春酒筆懸河遠廬風雨酣高歌

山長桂林夫子枉過

毋抱燕臺石周客訕其旁毋掘豫章劍天漢精乃亡咄此海隅  
士讀書自口黃忽慢二十年懷利儻未忘邦有必聞謗夫子更  
恢張命與出顧我聲鳴殷宮牆載誦隆棟篇載望匡時良極辱  
齒牙惠恐違弓矢藏自我苦可貞觀物積始詳柔柯結根淺春  
陽噓使疆小子寸鐵朽大冶躍使剛請借華陰泥淬拭生寒光  
頃賦院中新松夫子極歎棟材未  
必千人見但聽風聲便不同之句

答李秀才

鳴韶

君之思我我亦怨離羣  
明月對眉宇流光持贈君  
何時采三秀歸臥西山雲  
七十二峯夜驚簫天半聞

輓陳丈顯鳳

積善不期報斯人我所思  
天心今冥漠吾道日磷緇  
家具猶爐鼎鄉鄰有涕洟  
未忘前志在繼守視元龜

九月十二夜遊東坡亭

北人乘馬如乘船南人控帆如控鞭  
煙帆迅瀉東風偏煙開帆卸亭蒼然  
重揩病目攝衣起三歲不覲仍嬋娟  
自審插腳輓塵久勒移拌合來林泉山  
靈與余頗瓜葛謝過識以新詩篇是時  
秋霽天宇圓地白人影行翩翩綫路采入石壇凍旁倚脫木枯



藤纏山魃夜出電瞥眼大魚人立弓鳴弦孤雲渡江鳥隨沒一  
九月下江吞天公跋晉卿煙嶂圖謂言此景常纏絲十載渴懷  
動真宰一區位置荒江邊腦環萬山川照面中安尺宅乘梯田  
種魚村近可招手從公所好舟往便云何三宿牽率去至今鶴  
怨猿不眠老鸞得嚼肉失吻想見十日流饒誕退之磨蝎公竊  
比豈識人阨非時愆卽如潮陽老太守廝嵩壓穎言徒堅古來  
宦海少樂土風波有險天無權瀕行俯仰重三歎何人真叩花  
源仙

得陳大如琛  
越南書

驚回滄海夢有客駐征鑣將我故人意謂言行路遙林藏蛇瘴  
黑山帶虎風搖異域鵑聲到南雲願手招

歲莫懷人詩

觀察陳桂林夫子

余馬首欲東東從夫子宮夫子南北人從之路渺漫近者見敕  
目持節監河千青天萬艘上清溜九月寒豈不實盤錯求職非  
求安旬宣古王官雅頌聲未闕太上百僚化守令羅荃蘭敘言  
逮夷面行部戢虎冠天無五運阨民有二父權其次補苴勤其  
次簿牘完大臣有心事廉退乃一端夫子相君胄祖硯傳永刊  
大東小東郡頌袞猶汎瀾泰山合膚寸終使宇內觀夫子前守兗州

兵部何職方

文綺

萬物各就熱嗜進如梯階孰能遣我榮而以昶所懷陸生識止  
足疏傳東門街職方壯解官道勝非時乖方知君子心竝與末

世諧守冲滿杖屨在坦忘巖崖重抱說士癖恆恐翹秀蕤脫略  
皋比席慙慙鳥鳴啗南士知宗龍萬啖魚頭皆鄙人實桴巔三  
歲借高齋忘分託老輩展論饒新佳復原抱膝傲時與銜梧偕  
旦晚還觀稼遲我秋水涯

中書孫舍人

鼎

前夕大火流今日朔風驚良時去如瞥歲晏心多營埋頭負郭  
居席門世所輕讀書况寡效章句苦無成出門首前路何以慰  
晨征長簠易汎馭孤掌難堙崩丈夫偃窮衙空抱魯連生我友  
湖海士橐劍連州城縱橫計不遂長揖辭公卿尺書昨報我戰  
苦仍徵兵

馮太學

炳文

馮生古長者狐白無見美兼抱彊立性葛韞金不毀識我自章  
斲十載交若始君溫我質伉君簡我辭哆郭生見叔度三日爲  
心死頃求仕與友攜病走千里金盡病亦失所獲良已侈頃當  
背面時素書兩情跂得書輒得夢夜夜渡煙水國人皆曰賢愛  
君好文理溫潤玉界尺帖妥烏皮几曹好徒爾爲君心甯數此  
金臺高不極髦俊高連軌北風胡馬鳴定有相思子

叔懿脩先生

秋至瘦人知歲盡貧家病叔也苦節人窮老益天性七十抱一  
甕坐深鄉黨敬須眉出古異知慮資神應貌枯中不膏晶精雪  
相映雖比范叔寒允執顏含正析薪鮮克荷守硯庶或稱老棄  
短後衣窘藉長鏡柄每憂藜羹糝食指矧藉盛今秋穀不登衣

典餐屢併姝姝十餘口朝夕烏共命譬彼岡嶺松孤高風逾勁  
叔言子也才三試戰不競人言叔耆德善修家不慶上有滄浪  
天何時問幽翼

夜坐

欲語憑誰答身孤顧影頻城荒鳴弔月燈盡鼠欺人少壯虛殘  
夜關山况老親從來劉廣武起舞唱雜晨

白菰菜圖爲關丈

家駿

禿筆蕭疏見一莖南蔬首汝亦公評

益都李文藻肇慶食菰菜詩遷地弗能良猶足壓南

蔬催來霜信西風急寫入江村斜照明莫厭酸寒同歲莫可無  
豐歉問蒼生萬家供具今顚顚話到齋鹽有歎聲

答廷光

琦也田閒一男子行能可笑平平耳十載名場縱身手十載名  
公與牙齒吹到浮聲浮厥實中夜捫心顙猶泚黃鐘毀棄瓦釜  
鳴人雖不言藉自恥惟對吾儕好議論浪謔古今車轉水有時  
發憤刺時乖不可於懷口輒哆苦奉方巾蓋圓頂雖有執持裨  
者幾朝悔其行莫已然不怕癡兒走折趾以茲失口思用晦深  
恐急進生瘡痛自從儒服濶有司蹭蹬至今歷一紀壁凡幾獻  
足幾剛敢似退之跛能履今君何事進鄙人鞭策罷牛逆風駛  
國家束帛旅窮巷耆叟當關賢會軌明明大樂奏雲門豈假瘖  
聾聽宮徵故人夙昔面京國千里逢迎多蔚跂馮太學炳文掉  
徐孝廉台英掉  
頭不應騎馬歸還愛朱雲在槐里頗怪數公負明眼非癖非阿  
竟何以多因秋士抱牢愁一見參軍令公喜只今南國因波臣

萬室瞿瞿憂食指雖屈計吏上貢日語及時艱我心死况復殷  
憂半海內郎報叢殘餘百紙尋君且得片晌樂中席言懷再三  
起書生賦命苦窮薄何力持危筮傾否君詩導我壯我行然而  
其效可睹矣

七月十四夜大堤上作

萬井蒼涼又告災憑高小立一懷開月華洞洞隨行策秋氣微  
微盪劫灰海上雲雷餘漲急日南民物采風哀豪吟巨壑笙鐘  
應恐有潛虬作和來

寢疾兼句遠邇交親頻仍存造賦謝言懷有作三首

不寐盼燈花紛葩粲可數陵晨乾鵲噪喑喑響虛牖我生百不  
諧喜事除聚首旦日君晤我一見詫衰朽錯莫顏不怡欲語鉗

在口豈無慰藉詞言然意終否昨者走鄉試驚進恥王後進必  
有所傷家人卦斯受茲理本非元吾其悔自取逝矢不作言  
勉謝賢友頗學馬新息羞歿兒女手誓此已十年也應感高厚  
病夫如病鶴子倚梅花瘦病夫如病馬碑兀路旁候鶴有修翎  
人馬有終惠廢病夫卧江沱危檻繫驚獸牀頭飭藥裏牀後忙  
老幼燕笑無與適履綦誰復湊數月深閉門不出棄朋舊夫子  
獨何者誤比匍匐救策策風林根談言再三就千里有命駕矧  
赴子在疚罷驂對之泣矧於古人謬感激愧平生素交及邂逅  
病人多遺忘掛一念萬漏齊物付眇芒山海月如畫

琴爨中郎歎衣故車騎尊可爲知者道難與俗子論里門二三  
士守素古處敦有此病不惡病則萃邱園吾友遠歸來重寄素



心言

馮君汝棠到述  
省垣諸子相訊

鬱邑得不死以酒澄其源秋花既煜煜秋

穉復翻翻朝光有舒慢夜魄無遺垣酣歌百疾愈何況會高軒  
嶺海比艱食六載傷黎元糠粃苦未饜何處羅盤飧飽食消歲  
晚邑里多空村

和梁三江皋寫望

浦樹晚冥冥吟歌悄未停灘迴千里雪潮劃九江青物候添行  
卷情懷拾遠馨雲頭西望黑應檢種魚經

有憶一絕句

轉轉迴腸種種癡一思于役一低眉行人今在江湖上祝與東  
風恐未知

白佛桑應節節抽紫薇石竹門纖柔自從唱罷驪駒曲留得花

枝在樹頭

越秀山憶諸子公車二首

花草越臺發遼遼引望勞夢隨燕月墮身與楚雲高南食千珠  
貫中天眾羽豪夷音須變轉爲我唱靈璫

尺劍走中原報余江上村至今春日短苦恨病魂昏京洛眞名  
在關河小吏尊經過有形勝馬上莫輕論

徐生台英託抱卷去屬余伏枕缺爲面別

僦屋

選姬在娟好不必列屋姝選室取秀野甯須九達衢斯堂隘容  
膝爽塏致有餘頗怪昌黎公絮誠城南符辛勤三十年有此屋  
渠渠我生逼三十倍是雪落鬚縱償愛廬願豈免他人愉譬如  
齒牙缺倚敲空庖廚僦屋獲所便鵲巢維鳩居一錢節羞囊十

束皮舊書主人沉解事不催敗興租借衣非已有足曜七尺軀  
假館非終身穩占數月娛有徑疏疏樓有溪育育魚十頃玻瓈  
風灑面宿酒蘇夜聞菰蒲響月皎西窗孤恐有踏波人闕觀揚  
清臚起視萬家夢蟲語鏡在湖俯仰識無始萬象隨空虛沾沾  
我亦固天地原蘧廬

謝里甫山長作畫一卷爲十幀貽王謨文學屬次琦跋之  
小詩未有以應也甲午春杪文學索果前諾遂拈杜詩  
得非元圃裂無乃瀟湘翻二句爲韻題其端

雄觀失曩懷浩想創新得誰將九曲黃潑入徑尺墨  
陶公遂初服今是昨來非農丈偶然對飄飄風滿衣  
山中虛白室戶外蒼浪天趺坐幾何歲得參箇中元

抱甕不言機丈人漢陰圃何如避世人一瓢棄高樹  
點樹如點雨截厓猶截鐵還圖入蜀詩石與厚地裂  
獵獵菰蔣外長天入虛無相將拾海月借我一幅蒲  
鏡湖與瀟湘清絕兩嘉乃龍伯爾何人吾將往觀海  
小米學媚嫵遜他顛芾驕崖風江雨裏一夜聽瀟瀟  
月黑聞山鬼蒼梧路短長湖秋波嫋嫋何處弔沈湘  
讀畫箝在口論詩舌瀾翻以詩想公畫應入不二門

夜過談太學

子粲

歸次作四絕句兼訂太學見枉小齋

蒲葵蕭撼芭衣香萬瓦扶檐滴露光大道如弦天似水追涼人  
走月中央

家家樓閣上簾鉤嶺外清華數廣州怪底遊人忙似鶩此邦風

景不宜秋

夜歸孤館八窗閒露坐尋詩也費才一事告天煩乞與月圓仍放故人來

儼得城西畫舫齋前榮貯月後臨街好詩可似題吾屋荷葉遮門水浸階

寄廷光村居

村姑手爪輾纜絲新蛹香黃上饌宜更是擊鮮滋味好鱗魚賣趁苦瓜時

寄徐子

台英

都門兼簡馮六

汝棠

陳九

信民

徐生魁壘衣短後學騎生馬京華走我病閉門失追送至今北望餘搔首我於天下論健者口不敢言心可數夏長盼斷吉語

來火雲艷赫掩南斗屈指端陽又五日  
是日朔風驚戶牖忽捧題名一錯莫元  
援欲哭蒼龍吼前年送君隨計吏卻斥辱金麾  
以肘舊年廡下整依人脫略俗緣比芻狗  
今年四月讀君書塵勞遠謝同懷友首嗟  
辛苦腓無腋氣挾幽并肌肝黝次欲朝家  
借一官公等資裝儘予取

君寄李鳴韶孟夢書

有如劉季賀錢萬貫不一

錢持在手性命貧交萬里心使我失聲血幾歐  
吾儕賦命本窮薄有願到頭終不偶一第溷人  
信茫昧十年養氣從掀揉古人自戰久則肥  
肯爲塵沙含淚垢知君抱才必有用清廟熒輝  
要罌缶吏能官誠復所長咏菀姝姝宜穀穀  
雄心抖擻需再舉富貴逼人行已隄平生頗訝  
韓子隘欲草一經敵章綬可憐無益費精神  
後世揚雲書覆瓿丈夫趣舍自有時高爵得分  
圭可剖

不然尋我負郭田去去五湖宅三畝雲在青川水在瓶眼底煙  
雲我何有君今過夏餘權賞識曲看花問宮柳壯遊豈改還山  
面豪談定約懸河口江介無風也易波壑舟有力誰能負苦士  
閨人終慘淡名場幾輩曾摧朽京雒緇塵自古嗟君有素衣無  
恙否翻憶中原攬控初合沓山川恣騰蹂今古興亡弔落暉河  
嶽英靈接杯酒所亡所得知略等比似故人仍汝厚故人冗散  
無處著六合蒼茫此駢拇近來近市求童蒙據按兩三鳴跼跼  
閒課清齋脩五卯豈有奇書探二酉名山渺莽詎容易里人自  
享千金帚側身天末再長謠豈似老馮及陳九

初九夜作

同明秀才  
題麟出遊

到憐風柳太顛狂省識淮河舊日行怪得繫春還綰別柔絲如

汝十分長

春禽選樹原無主  
海燕隨波也有家  
翰與金閨吳學士  
東風無奈海棠花

消夏雜咏

長夏愔愔萬綠垂  
石欄點筆坐題詩  
蕉煙榴火尋常見  
最愛當階向日葵

方牀七尺水周堂  
露葉風枝竹萬行  
恰好吟成人倦後  
半簾疏雨夢瀟湘

第一離枝薦綠醅  
猩丸落手潄懷開  
違心偏要爭盧橘  
博得蘇髯捧腹來

太古元都畫省冥  
悄無人處碧壇扃  
遐心譜入歸風操  
弦滿空



山石氣青

翳影蒿蓬素舊乖  
晚涼剛愛啟荆柴  
客邊好友天邊月  
一樣風吹到小齋

得月臺高冠廣州  
畫船簫瑄會中流  
華燈似海波如雪  
置我江

天百尺樓

臺在海珠寺

苙衣蒲簟妙年華  
約買承宣坊下花  
應爲香風回首立  
愁心吹滿素馨斜

食春餅招闕郭二生舍弟宗琦

使我身後名不如眼前酒  
平生省此語每爲一點首  
硬餅釘挽几大肉相閒之  
不爲佳日娛將隨韓子  
褰昔踏河南村麥風  
賺飢腹去飲村舍水  
水邊村酤熟至今良  
夜夢夢落河南醉春風

知我心吹得百錢墜我有耿介弟亦有賢友生懃心首文府剝  
膚含其英胡爲狎羶腥爭食苦不飽不如從我飲令汝顏色好  
白雲勸舉梧有鳥提壺聲何不從我飲坐對千花明東舍糞芋  
魁西舍相追呼不來從我飲其不農子如名士畫餅耳可聽不  
可嚥何愛尺寸塗儻勝雞鳴宴

朱九江先生集卷二終

再傳弟子校桀於讀書草堂

朱九江先生集卷三

詩

樂昌韓瀧祠

臺殿鎖君蒿縣湍萬仞高江山有遷謫文字走波濤津吏留相  
語村沽飲不豪排雲間闔遠天末首重搔

泊游絲汎

借火游絲汎維舟斤竹林瘴江千里黑邊角五更深歲盡仍傷  
別年荒欲廢吟稻梁謀食歎鴻雁爾猶音

歸渡大通津望廣州

昔別是何處飄然還此都水流殘夢遠身與斷雲孤山澤存麋  
鹿年時聽螭蛄百錢攜杖得況近飲屠蘇

答談太學

子榮

見詒四十五韻

慚君道我詩詩拙莫如我夢得長於論斯則我亦頗緊惟我朝  
傑二百年磊砢唐聲開國吹宋派中流簸求取於古人均稱析  
薪荷譬彼觀水術豈必寄一舸固揚滄海帆亦鼓瀟湘柁譬讀  
種樹書菁英歸摩揣旣護挈雲根詎棄簪瓶朶云何昵門戶遽  
分袒右左彼我相是非議論益叢脞何殊抱異姓呪使成螺贏  
又如哭佗墳勉強呼公爹此事元氣中無大無么麼時地異構  
接哀樂各懽瘳或體閔以奄或羨小而梈罈或閭闔朝九賓粲  
青瑣愴或宮娃怨雨泣梨花彈旬或鏗鯨鐘悄或叉魚火輓或  
游空絲勁或沒石筇匯之爲泚洋澄之得澹沲導之泉斯注鈴  
之鐵以裹肆恣百篇放斟酌一字妥當其冥運時萬怪困趺坐

忽從天外飛下士閭塵埃有殼率繩墨無羈勒韁鎖始焉踐跡  
合其後化身可赴敵數生死證佛百因果世俗是末師謬種流  
已夥竟使籠下姬塗抹詫嬌媚扇濁無餘情積微恐將墮念之  
軫我懷力薄愁無那安得光明絲蓋爾袒裼裸安得六驥足負  
爾山鼈跛先生天機富人老詩琛瑳以詩通諸畫落筆春媚娜  
與我無盡談滑稽髡炙輶我今鍵戶牖萬事付嬾惰庶幾便詩  
逋亦用避酒禍旬人餉稻米園官供果蘇惜乏耦耕儔世味終  
曳扠會當從君居接籬園粉堞我歌君則聽勿用嘲飯顆土風  
閱荏苒人煙增慘惻高立萬松岡長嘯山月墮

述懷二首

出處各有尚詎云吾道非中素誠靡夷豈必知者希秦鞅三術

鑽作法以自威沒沒釣玉叟一日蒼鳥飛炙手有消息單寒甯  
久微筦以造化樞萬族聽指揮至竟誰主尸爲晦爲光輝勲策  
不告猶況以小智幾纖士利速化通識重天機嚴嚴歲莫霜卉  
木淒已腓亮矣鴟夷子微君誰與歸

少小學堂日解道春華遲揭來十餘載去日忽如遺心跡兩歷  
歷回首空齋咨人生無百歲百歲將安施昔聞齊景君涕爲牛  
山滋貴游事刺促幾不徂年悲我今守貧賤儼室城西陲作苦  
分則爾日月若余私庶云就省曠亦美芳菲時被褐何足貴重  
以玉自怡滌蕩放情志穩居江河塵

宮保盧制府遣吏人徵寫拙詩述德摠情賦呈四律

儒術能經世曾欽盧尚書文孫千載後邁績八州餘轉粟蕭承

相籌兵陸敬輿清時南顧重好是護儲胥公辦西域糧臺旋平楚匪趙金龍之

餘事論風雅襟懷冰雪清萬間開廈屋千卷饋侯鯖元老謀謨

地諸生絃頌聲淵源從古數陶尉繼劉宏

公已未曾試出儀徵相國之門相繼督粵

著作千秋事銷沈幾輩才因公憐鄭璞引我哭秦灰嶺嶠扶輿盡韓蘇風氣開登峯觀海意今古一徘徊

自信潛夫論難投光範門龍宮翻索寶馬磨遽稱尊古者酬知已從來勝感恩海王收萬派何脈出崑崙

泛舟至花埭

春人寒涉江春溜急淙淙海日樓臺靚村香花草降烏蠻殊有偶白鳥迴無雙令節宜歌曲聊聞橫遂腔

寄舍弟宗琦

老坡於子由相長三歲強而我與吾子其年適與方始宿懷遠  
驛終領汝陰守至今餘苦語淒絕此懷舊子由剛且靜與子前  
寫真我亦如阿髯怒嬉搖吻僞師古有工拙子珠我鱗甲而況  
奉我謹直追曩賢及壬辰我失解牀耗秋風居於邑上子顏吾  
反爲子娛秀人覩子色疑是秋風客至子失意中反無此閔默  
爾來奇我作謂當於古求不計片葉迷翻云瓣香留握腕與子  
別言竭情靡斷譬如坐風櫓三日尚神眩惜別恨情長憶別歎  
神昏子心知我懷我夢昧子魂我行中風走子居食蓼苦未逐  
宦遊人已失對牀語念茲反余素乃恐王路催急歸反風雨坡  
穎一誤來



兵部何職方

文綺

坐聞熊鎮幾亡

功名不可爲齋志卽霜露行道有餘哀况彼相與素憐子有天  
性了了自童孺饑羸就舉選僕邀守章句文采雖不斐紆徐學  
風度庶曰遐福徵取償在來暮職方今歐陽養士及貧涸三年  
立門下增益標良悟奇窮天所阨一病遂僵仆雪霰何蕭條郊  
原正寒冱遙想宿草阡風雲猶鬱怒與子昔周旋每以涇相响  
解手幾月日傷逝一號呼在耳窮鳥篇違心脫驂賻信疏我知  
過幹委爾何遽職方此池館百事未改故桂樹脩廊陰是子行  
歌處人自接餘光汝已長不寤何當訪舊廬悽薦向期賦長風  
知我心飛挂煙橋樹

煙橋村名

春旱答廷光

乙未三月月將闕不見農事分秧尖書生賦命苦窮薄尚有餘  
痾闌閭閻枯槁無聲斷苑棄瀦澤出塊枯萍黏東屯西舍走流  
汗噉譟憊若親炮燂就中老農眼出血視天不語兩頰黔計絕  
波臣乞分潤願與旱魃同焚殲幾日天氣吁可怪陰陽錯互交  
攻砭寒飈夜入冰谷浴赫景晝躍崑岡炎禪袷春衣委重笥裘  
襦一卸求輕縑宵分小雨差強意油雲幕幕如複幃熟知向沫  
不救涸聊塞渴目裨毫纖惱公眞欲訟風伯何因卻埽驅飛廉  
起窺檐注星接雷屋角已挂三丈蟾時平春及乃束手何日打  
稻聞腰鎌常雩無靈天聽遠繁露有法神功兼徙市暴厄古云  
虐須資長策詢謀僉或言龍嬾呼不起抱寶潭洞眠懨懨此君  
前春惡作劇發我廳事一角檐飛雹掠面過強弩陰風刻膚如

刺鍼兩年入秋不可說一霖十日連城淹人民流尸屋廬盡至  
今此地生葭薮錢塘暴猛信可畏與汝未有睚眦嫌年年况享  
牲玉報得毋負報馨香嚴蓋愆補過幸今夕歡聲可鼓譟可箝  
羅羅哇嗟龜兆圻喁喁男婦魚口噏借汝唇吻尚有愛肯爲蒼  
赤櫻鉞銛學堂先生好心事預傷板屋憂釜鬻遂及其私亦眞  
摯長篇遠寄言詹詹那覓五升太倉米徒摩三尺書廚餓饑腸  
君歎煮文字素髮我欲愁鏡奩憂端瀕洞一傾瀉幾時飯甕豐  
年占

丈人

草草送春了悠悠傷遠思精神優滿腹混沌怕書眉別闌常嘆  
夢窮工不到詩丈人心性好待我尚蘆碕

赴李大孝廉 鳴韶 招飲百韻

樂事每不數愁來動彌旬忽如墮煙霧及此長日辰入室儼下  
帷起屢旋出門出門無所詣李生在城闔李生余汝同辛苦識  
字氓豈不欲汝見嘔我一寸肝道逢祈雨人風翮龍子旂四人  
昇明水披灑楊枝青泥龍水蜥蜴瑣細不一形熏熏煙已靄叩  
叩額欲墳道左頂觚觚遠伏塵土昏人言一月來公私苦崩奔  
亦旣省刑纍亦旣疏渠院元靈西樵禡白晝南城關都邑止屠  
殺驚鴨羊魚豚祝詛引方外于嗟而吟呻天公眇何許上呼無  
時間白日徒昭昭不照千唬痕難忍見此狀欲行還逡巡君適  
馳尺簡遙遞急足伴云有賣文貲可共消憂觥我屬采薪告夙  
夕始得行握手一太息同視蒼蒼冥遂歷今古愁遂遺半晌閒

遂酌鄱湖酒勸我醉不醒熟知徑寸膠不辨黃河澄冷冷勺水  
潤甯救魚尾頰且盡知已杯酣歌聲吐吞誤及往年事一瀉不  
可肩壬辰冬之孟公車君有程我塾守鄉閭未得送離轅風波  
一失所反覆難具論憶惟世難初舍館於河清

南海縣地名

春時雨

陽若民訛無由興苗穎何舒舒條桑復英英驀報西潦至五月  
日在庚蔽江下浮枕雜以柴桷椽趣歸及中夜荷鋪先黥髡寐  
者呼使覺痿者走蹢蹢抗此一綫泥上與千濤爭崩波壓我而  
其勢如壞山枯立猶束柴逆受風雨寒湧浪兩晝夜泥髀未有  
乾降割方鞠凶洪口決李村嗟嗟十二戶

地名

盡室爲魚鼈鯨吐

以鼈馘有水無涯垠比鄰聞號咷誰知其死生我家三百指乘  
屋如鵝蹲膳飲波面炊雞狗牆頭眠高漲更未已滅沒驚我顏

昏黑扶老耨一一下破船室人莫涕泗我有好弟昆

家明經澄  
湘兄弟

緣岡互房廬足以相援攀可憐非柁工尾掉船頭橫千搖竝萬  
兀寸寸強弓彎混濊涉中流上有星月明喜達賢主人舍我在  
高閣色定見憔悴老親蹙額歎弱妻授我食執箸不下咽脫我  
淖中衣易我犢鼻褌展視著股處血痕已朱殷憐惜不出口泣  
睫淚漣漣搖手使勿聲吾母腸斷閒民生正摧挫我敢自求安  
願以膚髮勤易此骨月完徹廬忍就棄旬日還巢櫓相守倏乏  
匱乞米來大城兩地百里強早夜心凌兢天平人何辜颶雨萬  
竅鳴聒甚耳目眩勢恐元黃翻平地有頓撼豈况衝狂瀾覓信  
走且僵然疑半不眞側聞汎濫中地塌千山平心肝墮何所難  
狀此際情聞君鍛羽歸乃及江海傾尺咫胥江驛惡遇風飈盭

詰朝亟擎舟里門泊牆端指目認久別入室笑語溫我亦得書  
反相對疑夢魂次第訊嫺族兼弔死問存略舉崩騫流令我吐  
舌驚 天子今堯湯收伯矧多仁請命叩閭闔借帑發倉囷上  
有蠲緩詔悱惻泣 王言下有挹注澤濡煦勸老慳旬爾垂盡

喘餽爾以斗升巡撫江南公

朱中丞  
桂植

萬家頭上雲攜扶先守令

併張遞薦紳至今服領南去思有餘恩旱魃又煽虐市地比悽  
焚低田委白草高田飛黃塵嗟嗟龜兆圻野赤百縣盈豈無近  
潮畦斥鹵齧其根居人呬無所闕視井已習料知早禾闕米戶  
解索錢哀哀中澤鴈何處謀盤飧官家定正供里胥急如煎大  
福諒不再未敢邀痼瘵我少負郭畝君非扶耒耕編摩手口勞  
一飽羞儒冠艱食終見及况彼塗足民寤輿薦三載瘡痍互仍

因或言俗竄些奢麗襍詐設蓄戾爲應召水溼火熱然或云往  
必復五運有凋殘譬彼月盈魄終則隕其圓大造本茫昧孰能  
測幽元我願剖心血淋瀝通天箋稽首東南風寄上一掬丹播  
穫趁時節首求逮冬春次求和生理勿使壓溺顛尚歆郊祀心  
亦歸公孤卿爰暨百有位同德持鴻鈞三階正天衢作息還黎  
烝勿穆貴無爲無懷與大庭是時泥君飲一醉三千齡忼慨陳  
此辭吾將待藹軒

城市一首再寄廷光

城市多囂塵况逼城中豪南首望鄉國百里蒼雲高下有狎貧  
士苦吟時和陶米貴不果腹羣雛日磬磬種瓜犂确場引蔓如  
抽繯冒熱立草土剖此二寸毛黃葵豈汝意不見時雨膏近屬



良婦病日夜井臼操突冷醖不然虛壁風騷騷驚波無定鱗華  
幕有覆巢世難未獲已願汝親憂勞客遊久不樂虞奪風翻濤  
聞聲略一概豈況目所遭我欲如漫郎江湖刺長篙投老就魚  
麥勝處求其曹和子孤雲詩酌我千日醪

寄蔡瑄文學士司往蔡以鄉闈報罷西行不通耗兩寒暑  
矣客有適粵西者宛轉寄之

雁飛曾不到君子乃游遨况復歲華落猶聞歸興遙夜深人鮓  
泣月出虎偃騎海雪風騷首魂羈何處招

寶華坊退思別廨早起有述

浪士不舜蹠五更起孳孳起踏荒雞音落月牆頭窺三丈楊柳  
風下捎櫻欄枝櫻欄葉窸窸碧暈侵衣肥此莊腹數家其外垣

四圍我舍位厥中屈戌鋪玻璃照見幾家門空梁月篩篩流雲  
送殘夢得知所夢誰斷角聲栗膠或夢征人歸甯識曉行驛瘦  
馬衝煙馳據鞍亦得夢夢中仍別離悄怳鄉井是曹騰門巷非  
是時兩情慄吁惟明月知勞生故多慨局促塵者轍道塗委容  
華千願同一違咄哉端居客拊髀空爾爲

夏日卽事

西原宜落日此亦夕陽亭海雨魚龍氣蠻雲鳥獸形泉新流漲  
穢花遠去冥冥可有幽芳閱時間月裏馨  
夜雨昏黃裏濃陰聚井梧電知淫潦長星帶草堂孤吠蛤誰牆  
角流螢到座隅統統譙鼓杳渺旦偶聞呼

皮書好連屋日日鑽魚蟬略展龍威秘如聽鮫客談茶煙蓬葉

底硯席水花南倦讀眠指卷新涼我正耽

小住良無悶長貧祇益詩斯文騷選後此事鬼神知不病容關  
病多師是汝師皇琴羣聽瑩裂蓬試雲吹

半塘晚步

晚食散餘步風物霽將夕過雨流潦多隨意曳幽屐松涼望不  
到爽氣生兩腋漸漸野水喧回回市塵隔孤煙接空暝一鳥入  
雲白泥濘窘前賓攜坐村口石遠見歸墟人忙色上面額軫彼  
衣食勞益我山澤適浦樹鬱其蒙昏鴉嘯磔磔半塘蛩人家相  
呼看雞柵詠歸歸路微晦月未返魄何來一笛吟蕭寥長天碧

諸子同遊荔支儻作歌

五年不遊唐荔園聞道池館增沙墩江山如此坐癡情一榻兀

作蹲鴟蹲有客啟我荔火然饒興忽涌不可捫投袂未起覺神  
注如渴馬脫銜而奔拉襍素心四三輩白鷺潭左波濤掀板橋  
三折入流水帶以十頃荷風暄照眼戎戎春雲熱落腕的的涼  
珠翻色香味盡三百顆恐一顆一妃子魂婪酣不飽亦得醉高  
枝恨少穿林狻軒窗盤迴俯明鏡畫舸登頓攀花旛景蘇何人  
園數椽白日乃閉閤者闌那無題詩嘲屋壁且可拄杖過衡門  
門前行迹如流雲花天酒地來軒軒前榮已棲比翼鳥後從又  
擁攢頭黿驚鴻照波珮玉儺翠鉤珠袂何續繡甯識浣紗越溪  
裏天寒日暮愁煩冤人情自私愛所愛譬寶鄭璞珍紀甌卽如  
荔子秀遐裔俊物自比江鱸尊君謨譜之始興賦強立疆界編  
離藩閩人袒閩粵袒粵莊周齊物難平反何如當場取發興事

有附麗皆情根江山與我作賓主蕭管且侑開罍尊眼前行取  
萬里別李大鳴辭將以秋盡計偕此日可惜須臾瞰西蟾東烏  
莽奔屬南鴻北燕分伏鶯後頭待得水歸壑攬鬢恐笑非僧髻  
林神川后亦領首是何作達爲此言歸風持贈回檣邊虛齋落  
日傾金盆酒醒前塵杳何處浩浩煙空吹夢痕

客中雜憶詩

廣場五情悅隻坐百慮縣客去掩我關忽已弦望遷精爽戰哀  
樂迅入中年先中年亦已逼舊物長一甌貴誠不如賤向聞向  
子平纖絢與緯蕭作達取自然先世有遺志敢以家食傳北堂  
况頽暮急雪墮其顛秋秋桂花落盼盡西風天存者能幾時逝  
者永黃泉突梯古有戒捧檄世亦賢審知出處誼固以父母年

壯且不如人此後空可憐損益聖師訓三歎推遺編

二月魚兒粟三月魚兒秧四月魚眼星五月魚背蒼六月魚拍  
頭欲競人指長我里下澤稅蘭箔參漁榔歲歲牧人夢家家鷗  
機忘舍弟苦士最棄俗如蛄蟻甯讀種魚經不入騎馬場有得  
閒稱詩月計無幾章未知古獨行肩列誰輩行阿兄走塵土處  
處持虛筐名翼或拚飛增口隨謗傷膏火同烹煎輸汝雲水鄉  
所愧拙生理家具遺汝將往憂黎糗慘兼餽親串糧懼此百石  
陂難可干費當將毋苦將荼病矣嗟子桑君子道固窮金石振  
歌商近况諒有述側伧雁翅翔

友朋豈不好燕笑時易闌李生

鳴部

總角舊有文炳龍鸞十年

耐離合今年攜手歡旬日必過我一過三日殫問君何數數將

著遠遊冠勿惜相對頻預償見面難對面了無語終勝千書看  
亦知十月交君踏北雪鞍此後明月輪兩人頭上圓亦或風雨  
聲兩孤心頭酸君貧那棲遲我去愁嬾嫻人靈非鹿豕胡得一  
處完匪不達茲理數子我所安徐生台英近失第寄食燕雲端  
馮子炳新病早眼難坐更鼓殘忽忽獨寤歌附吾於考槃吾其  
汎滄浪料理秋風竿

作客不還鄉藪蔓傷獨處不還居者癖南目亦愁予將雛苦無  
成晨夜改寒暑晨興視老姑夜擁鍼神炬汝得堂上憐頗謂婦  
職舉無以恩私故恐違長少序吁嗟百里闊日月墮深阻遠注  
黯秋蛩孤心怯墜鼠是汝所生性弱小易愁緒尚想吟中閨教  
汝歌白紵一字厄推敲每及寒雞語勸我惜宵分禁我嘔心替

至今吾眼中見汝顏色楚以知此夜腸迴轉若機杼機冷無盡聲碧雲眇何許投杼望明河盈盈見牛女

奴星不偶命阿橘爾卽冤皆坐我窮薄速爾入鬼門自爾叩我堂去冬除夕昏豈直冀除潔兼惟行步奔我家咸玉之道其黯且敦平生江海人行笈暨朋樽爾伺醉人色解領中酒言文句雖不通亦能亂書繡求取百順遂至竟成我尊卽茲誤爾呼恐有欲出魂前榮移鐵樹其樹今已孫樹孫爾則槁爪痕皆淚痕替人旣大謬事事思爾存虛無主人惠慘怛嫠母恩母恩委如遺主暨那復論小物觀大化牢落容乾坤

古者士未遇名公首識拔惟其心鏡精是以譽之絕君看一部史此類幾人物奈何庸虛子老輩多項說隆隆獸殿材未合貢



株柷輝輝鴻飛袞獨蛹云胡綴高下各在心詎謂嘲目睫夙昔  
千卷皮往往欠終帙息影匙交遊未盡當時傑浩浩江湖深悠  
悠歲月瞥小生顙有泚羣公眼如月茆齋階基旁有鶴片影雪  
青冥得踳躐仍濯寒泉泐爾豈愛羽毛恐孤識者悅相鳥猶若  
斯踳躐至明發

### 太平門門卒行

太平門下人僣僣太平門者耆且髯右髯垂乳左禿頷其禿貫  
腦煙煤黔頻年過翁口頻咤翁始囁嚅漸傾瀉一生心事畢秋  
風卅載行藏引宵話自言少小血氣頑射生擊劍無不嫻從軍  
遂隸鴉兒籍簡卒時拔騁虞幡一朝烽火辰州路王旅嘽焞阻  
淫霧驚心設砦蠻雲高附翼難飛楚天去奴僕功勳樹莫由由

來石堡要人收入穴仲升期取虎乘城賴叔奮持螯五更羸垣  
響聲策雲如車輪月如漆縛韉從我十猛士緣上梯衝過狻疾  
礮牀似有呼紅衣瞥慘腥風九人我驚拊頸頭故在始聞落  
面轟崩雷趁煙直斫守陣首迴向吾軍亂招手大師歷入猶壞  
山竟使壺頭返吾有此時顙面櫻瘡痕此時勇氣千人知共懾  
河西白袍將那誇鄴下黃須兒事平守戍梅鋗廟掌管北門尚  
年少義冠孔翠一翎風仕版象屯三品料無端洋孽橫蛟島海  
氛甚惡稽天討祇應祈父爪牙非肯信健兒身手好上書欲効  
前鋒塵羣兒謠詠成吹毛始知宦海風波險勝似沙場矢石交  
從此失官編士伍衣食蕭條一環堵抱關擊柝寄餘生七十龍  
鍾仍作苦話到淒涼言斷續言不成聲聲欲哭解衫示我舊戰

痕創瘕瘰體斑鱗鱗礪礪袒衣唐鄂國激昂束髮漢將軍我始  
悲翁爲翁惜旋睨凶門意還釋幾得通侯印繫肘已歎征夫尸  
裹革翁今頭白有孫扶眼看儕輩多郊墟禍福難知同塞馬英  
雄老去有湖驢勸翁往恨休回首與汝作歌傳不朽弔客青蠅  
此日來冠軍金爵他生受愧我清才愧杜陵難將文字繼丹青  
瀕行徒訂監門約弊衣吾亦老侯嬴

蝗蟲歎

一年決堤砦齧糠乘屋居一年內河漲水宿糠粒無今春亢陽  
達夏節行人泥沙滿脣舌拜乞天公雲腳雨難過農夫眼中血  
低田十不三四收高田草土枯成鐵得雨遙遙盼晚禾命短心  
長五中熱從來蝗旱定相資斯語吾聞老坡說果然黑雲西北

來青荻無芒木無葉海邦稀疏見此物相呼鐵螻驚蹙蹙上游  
走檄急坑捕縣官奔踰力空竭嗟嗟造物豈不仁薦至鞠囚坐  
誰闕去冬冬盡除夕旁眼見鄰里愁口糧衣裝典盡到家具持  
匱挽攢相扶將市門擠積無人望日莫歸來涕相向村墟寂歷  
煙火微餞歲不聞爆竹颺回首 仁皇晚季時不在人間在天  
上嗚呼二十四年游食人三年投足皆荆榛何況懸未閉門相  
對貧

乙未閏六月初一日夜記夢

天風抱瓊臺盪作江海聲手拓西北窗水遠天崢嶸階砌石璀璨  
璀璨與鏡面平明月自出入雲扉長不扃起蹙冰絲絃坐鼓一  
再行得非飛龍引雜以寒雁鳴聲希月流素梅朵霏英英嗅梅

得馨逸有語無聲腐粲者何人斯忽與予目成斧冰持作糜飲  
我碧一泓戰吻吐復嚥肝肺餘孤清長揖粲者言忍寒我則能  
鄭玉樞藏邊壽民畫四首

水鶴

似聞折葦聲沙水靜晶晶飛墮一點明青叢鏡已了潮落月黃  
昏煙漫江白曉縱少漁蓬過得食何微渺忍飢西復東不見杜  
陵老

蜊

昔者王文簡堂皇治爰書書有蜊蜊名觸公饒涎濡遽言津門  
秋今年足團臍僚屬皆胡盧贊悟真起予儻遭老邊畫豈籍逢  
麴車

野馬

野馬棄廣漠日莫散不收主恩亮云薄得毋汝愆尤龍姿自矜  
寵嘶齧鞅轡柔蹊跌苟害羣不如服箱牛慎矣當門枝勛哉駛  
風舟

蜺鳴

蜺鳴原家鳧厥名能自呼放逐羶腥久本性因模糊豈惟忘爾  
名兼樂趨潢汙江湖有稻梁飲啄未云迂落日肯回首久立呼  
歸奴

和錢給事

儀吉

登鎮海樓之作

積雨彌半月臥榻寒生苔坐使羈旅人履綦旬日乖晴雲吹笑  
聲忽落山城隈公也備九能健可賦強臺枝撈出深穽遂栗層

層階檐危鐵鳳翔漏盡銅龍催獨立浩茫茫用側曠士懷越岡  
互脩蛇綿絡驚潭栢肄江白一髮飛舞城面來日月鼃背行東  
西墜塵埃人事何攘攘日夜聲殷雷番禺古都會蕃貨稱奇瑰  
閩閩咽歌吹組練曜輿儻朕壤帶千里下與滄溟開五管茲大  
府俯仰增紆徊民氣比少隘辛苦告汙萊古者堯湯年罷人不  
言災實仁春陽惠嘉聲流海涯遺愛石可籲表廉珠可回懸高  
集遐喟勘難思雄才一翻變徵聲和入天風哀

花埭翠林園諸勝

綠樹朱欄碧玉溝菊英葵燒坐中浮何因地主逢迎美比似星  
韜馨茲留園中楹帖多諸舊曲蒼涼花月夜新波搖盪海天秋  
素馨斜外斜陽遠未許羈人一散愁

河南張氏園亭贈勞輦

塵塙里門外夫子自名家水遠雲常態秋深月正華敲鏗聞折竹窈窕見幽花問字揚雄酒侯生何處賒

三山道中

歸鴉點江光寒聲散遙野輕漪溶溶嫋側景亭亭下柴扉八九家積稿高隱瓦下帶獨木橋瘦樹不盈把略辨松與杉落影江面寫秋原自晚晚風日正瀟灑帆檣信波折勢飽舟如馬苦逐眾人行年年去里社江山豈不懷貪嗔勝情寡故居有茅蓬物役胡爲者

過關一士揚兄弟晚食兼簡張梅二生

孤往亦有適冬心翻浩然峯嵐低入夜海雨急成煙交道狗屠



重詩聲鳳味圖拌將二三子泥醉燭花筵

桃源里訪關二書齋卽同登正覺寺後山

栖栖欲何爲坐闕佳日適意行無深阻庶遠物能逼澗岡陰奇  
窅阡陌古開壙枯槎寒未黃安竹泣猶滴颼颼答風泉潭潭轉  
雲壁之子莖蕙芬洵美桃源宅林塘得幽引農畝寡塵色水車  
哀淅鳴山吹候蟲寂枝格暖嶽岑靡蕪綠咫尺層宮眇煙閣綫  
路入雲直觀魚識淵沈羨鳥泝空厯谷聲豈虛傳井渫嗟不食  
大堤人正厯流水穀以擊去住紛有懷推遷日何極終當挹希  
夷移家邇三益

典衣四絕句

典衣原不損丰裁簞篋筠籠取次開我喜他家收拾好未因金

盡降顏來

思量雜珮拋何所約略陳書失已多到底敝裘能戀主歲寒時節祇饒他

別久相逢意倍憐記從何處話前緣春衣與我同飄蕩南北東西寄歲年

綈袍贖得當金貂恰是梧觴不寂寥袖底雨花襟上酒可能留到上元宵

守歲與閨人夜話二首

漸漸衣棱凍娟娟鬢影深鏡匳今共命燈火此愁心萬態趨殘夜孤思殿苦吟高懷吾愧汝卒歲恥言金

宋眞山民詩貴無可買恥言金

近恙亦良已遐憂方缺然與卿俱省恨明歲入中年事往疑尋

夢親衰每禱天翻憐株守好詒笑展春筵



朱九江先生集卷三終

再傳弟子校聚於讀書草堂

朱九江先生集卷四



詩

春懷八首

孤生短褐走風塵偶息蓬廬見在身抱膝敢言天下事論心長  
待眼中人鐙花耿照聽雞夜驛柳將繁去馬辰只有細梅解娛  
客迎年饒放十分春

贈履投簪跡豈疏蓬蒿休學閉門居題詩人日煩常侍作賦童  
年擬子虛近棄叢如牛細大遠方書及雁歸初筆干氣象吾何  
敢多事羣英載酒車

恩恩枯燒動陳荄漸漸飛花落酒栢有用年華虛攬鏡不勝今  
昔強登臺流連佳日供多病省識名心愧不才文字起衰思七

發向來那遽薄鄒枚

人海波瀾日夜浮無心我自汎虛舟飽經憂患豪懷減弔徧興  
亡古淚收讀易正須明損益著書何必待窮愁開編好趁花時  
節古意今情一闌幽

從頭歲月去崢嶸臥看天階轉玉繩老輩憐才同命鳥散人羈  
跡在韞鷹大科眇莽知何許小技吹噓記得曾多少捫心辜負  
處扁舟江海望觚棱

月落烏噓昨夢之舊時高李動相思天橫古塞雲隨馬風刮平  
沙火炤旗道廣星辰同里聚氣豪渤海有人知居游兩地成何  
事二鳥吟餘鬢已絲

謂徐佩  
韞台英

稽天浮漲倒江河往歲南雲涕淚多大澤魚龍爭陸地中田井

稅委盤渦瘡痍甯免三年艾禱祀都先九穗禾今夕語聲含樂  
愷元生于蔦緩聞歌

光風又逗海棠陰千里韶華一寸心春日易兼殘夢短江流難  
寫別懷深但遲鶉鴉鳴芳草何害鷓鴣去故林不是江南傷宋  
玉明時擁鼻本高吟

廷蔭之廣甯五首

披豁生平事能狂亦可哀文章甯造命飄泊益增才悴羽堯音  
變華桐爨尾灰防身有長劍寂寞拂塵埃

雨泣麻衣雪那堪作遠遊巫咸終古恨天地此生浮蠻嶺重重  
樹風檣故故舟寢興頻記取霜露滿松楸

壯士行何畏君行一失聲小人同有母何日息勞生浪跡衣中

綫卑栖舌本耕月輪應照見永夜有餘清

旦旦催明試侵星戒學徒艱劬僑眾母束縛布黔奴復此傷於別難知化者樞倒衣趨執手三歎問號咭

擲我驪駒曲江流應向西休論百回讀恐放萬行號棄吏惟耽麴初昏重纒并定心齊去住高臥視天倪

談太學過六榕寺寓舍三首

垂虹飲城南南海三日雨羈人殢不出坐送日月古遙識靜者意卻跡染花譜翠墨釀欲滴庭綠相媚嫵而我亦掩關萬卷照愁緒小屋如鳬鷺汎汎風水渚久失蟾窺夜亦闕雞唱午午長點茶網蓬背擢煙縷近聞新水活千巖碧掀舞豐年已在目一飽先自許逕欲覓故人勞慰倒瓶甌開門一笑逢叫絕不能俯



嵇阮去千載投分輕鴻毛寂寞黃公壚無人繼石交連彼陳驚

座

陳秀才  
文瑞

肅客離堂劫略欠酒家胡聊分麴戶曹清懼飲文字

俊謔窮詼嘲坐久落檐花萬竅號調刁侏人少稱遂盡此片晌  
豪夜禁畏昏黑晚鼓紉如敵命與急油幕曲折隨低高眼禪轉  
燈火耳鳴過波濤翹坐有頓撼况爾昇者勞已矣付夢痕靜對  
挑蘭膏

思君適見君失喜前相持見君還別君對面顏色低如遺萬金  
劍意氣無憑依我落城北隅君去城西陞三月一相見終歲能  
幾時人生無百歲念此吾將噫鄙人昨南還月墮流黃機入門  
自芳草竝鏡茲容輝惜哉春華晏去若風輪馳平生意可人會  
難苦多離天地信逆旅浩浩陰陽移忘情若草木吾行元子師

寄題家明經

澄湘秀坡

山半明經宅溶溶落碧陰江湖隨地遠花竹閉門深雲氣切書  
幌詩聲流玉琴一邱子亦得昔昔寄遐心

入月來風雨總至隄園西漲向罌可憂感書二絕句

萬室郊原稔識灾連雲隄砦亦堪哀傷心屋角纖纖柳三見衝  
波照影來

短堞高牆深淺痕二儀積雨又黃昏哀鴻病鶴知何限才說東  
風總斷魂

潦時東風則漲甚  
以決邦人憂之

和錢給事春思曲

春筍扶釵紅玉香灑窗茜影朝曦涼嫵媚成妝弄刀尺裁碎冰  
綃破春碧銅鋪呀鎖金葳蕤黃鳥交交撩夢思微寒入翦妾先

忽明月墮懷君得知紅豆飛花應結子青陽不歸時暮矣珂馬  
丁當天路長紫乙北游南雁翔煙絲香銷雪生禩陳草夢歸花  
滿堂堂閒蜨嬾游絲卷今時畫長舊宵短春懷迢遞春波輓照  
人斜傾亦可憐淚落空波暮雲遠

寓齋詠物三首

竹

暑地涎綠陰如渴覲雪盃誰割瀟湘雲清餉蓬萊館筵筵魚尾  
垂兩兩鴉角纂呼奚急揮土奈何值乾曠眞作孤生根其一已  
枯簞瑰材苦培護况乃傷擊斷負手對微哦煩吁一蕭散想當  
踰歲後攢澱風柯滿指爪偶然蹟去去良晤短夜雨鳴秋堂誰  
此搦吟管

鳳仙花

條苗鳳仙莖風日華色舒吐花如玫瑰  
浥浥媚我廬七尺麤眼  
離離表窺扶疏匪輦而自致實恐往歲餘不然屋山雀銜子於  
前除遂有蜨翅來嗜瑣眠蓬蓬野莧不自穢潛根抵其虛昔聞  
害蒿苳杜老增歎歔白苳不甲拆茲花曾晏如邀客問元理兼  
煮中園蔬

瓜

我昔請學圃青碧日照眼甯似此牆角瘦藤懶竹綰是時瓜豆  
棚接屋手編剗吟蜩嘒檐牙秋蟀切牀版科頭黃篾底亦得理  
積簡口實良可求那慕萬金產自從走塵土辛苦蟲蝨蠹足跡  
竟何成達者爲笑莞遙遙漢陰甕惻惻劉琨限不食匏繫茲吾

生一歎報

憶弟

恨別殘半月別懷今故園桑田豐益歉梅雨晝長昏齒弱行藏  
決情高笑語尊有人傳鄭谷煙柳不開門

夢讀佩韋近稟卽寄懷落第南還二首

東勞西燕兩恩恩落日無端賦惱公遠夢警回雞唱後華年消  
盡馬蹏中迷漫京國三書恨寥亮江城一笛風猶道文禽同困  
羽可能擇木穩春叢

近計梁鴻出漢關五噫不唱唱刀鐏異鄉詩句勞人淚落日塵  
沙壯士顏合出素衣朋舊見莫催清鏡鬢毛斑故園尚有冬青  
樹歲暮山寒共往還

寄衣

省識紫薇樹姍姍近繡幃日長雞報與花落鳥銜飛獨夢悄無力怨心疲累欲茂先亦兒女宛轉寄羅衣

六月十七日談太學招同陳秀才

文瑞

家明經 澄湘 北郭

郊游晚集明經秀坡山館四首

海風饒與盡情吹古院排闥慰所思地愛小山招隱處客來佳月尙圓時悔曾慷慨留詩諾話到平生易酒悲獨有言情三五什邀君塵外一舒眉

難得樊川笑口開緩尋延郭問蒿萊連山莽莽飛濤下斜日荒荒大野來天海漸涼秋有信興亡如夢劫餘灰駟夷內款龍編伏莫爲山川惜霸才

移家申約太區區苦訊江鄉倭寄租耽僻客嘲揚子白望衡吾  
愛丈人烏長途疲馬慙筋力暮雨離猿有嘯呼知己四明狂監  
在因依爭不賀家湖

遂次太學訂  
移居之約

菊鬱重城萬瓦漣高齋花竹自嬾娟激清夜色天如水搖盪風  
聲屋似船草草栝盤真有味憇憇詩句澀難仙勒移且莫嘲通  
客暫安名山結淨緣

奉陪山長陳蓮史師登粵秀山至山亭胡太守

方朔設樂

### 置酒

到海百川匯雄觀盡此亭天空收蜃氣雨急過龍腥行櫂無空  
谷華鐙有落星從來廬子幹絲竹亦傳經

### 西園郊居

雷暝不到地遙殷雲際音雨暘兩無朕浩然天宇深交疏反頽  
景縣墜停修陰平阿下來牧高翼集歸禽游眄有肆應會心無  
獨尋紛子冀良覲溽暑力不任朱炎失炙石素月方流襟澈澈  
水荷動撼撼庭篠吟正適佳日酌遲援涼夕琴蹟故切懷曩情  
新思自今居貞北宮懷抱獨南榮心願言繼微尚塵軫謝華簪  
廷蔭到得舍弟宗琦消息作長歌寄之

江鄉暑景渝煙嵐七十二峯飛壓檐雞栖人家帖桑樹外帶流  
水山差參無田亦美山水縣全家呼吸餘清甘工愁翠袖寒倚  
玉就衰白髮霜纏簪數齡離穉嬌養久弄潮捉影尤跳愁有家  
離家走乞米仰俯何者非証談白雲在天花送淚吾輸安豐董  
邵南有弟有弟年少廉粗穢既盡留清嚴刪煩汰冗百搏節入



關惟取約法三百無可詒  
詒汝肄念汝辛苦予顏慙  
自憐難及葛藟庇廣廈枉  
用言炎炎况間風戾不稱  
意萬家上箔憂僵蠶愁纏  
似繭我心痾命短如絲民  
氣熾忽吹佳語踰重緘此  
語何自自阿咸糠粃則窄  
波瀾恬凡今之人弟也堪  
五柳閉門貧賤足百花釀  
蜜中邊甜我聆頓作雀躍  
喜以大嚼塞饑夫貪解手  
兩月萬感集遲子來吐聯  
牀談浮雲驚空赴急節義  
和浩浩無停驂方舟沂江  
吾未濟中流底處收風帆  
魚函晨發鄉夢遡雁霜夜  
入鐙光藍吟肩明日愁秋  
衫

雜題絕句

九衢赫日氣騰騰三伏塵  
勞倍鬱蒸埽地打鐘無箇  
事就中輸

與柏堂僧

六榕寺丈室

無多門館自清華蒲褐風甌白足家長日如年庭似水隔牆吹  
過五楞花

幽尋一棹翦波行分飯齋廚分外清  
海幢寺圓公房便汲井華重洗耳  
枕榔陰聽畫眉聲

喜宗琦至二首

乾鵲驚檐喜可知解衣握手尚迷離塵容似我吟詩瘦古調輸  
君抱筆奇江海有時龍變化風波無那燕差池黃齋紫幘紅鐙  
影且許從容話井眉

江東誰似阿龍超世味膏騰漸不聊人別敘談疑夢對佗鄉懷  
舊倍魂銷山城壓瓦墟煙重灌木排風塢影搖試向天街回首  
立元蟬秋葉晚蕭蕭

俳體戲答友人問

謹案先生此詩道秋試也秋試薦卷中用史事主者不解以麤棄之揭曉後主

者發其卷知先生名悔自失焉

請出聽來事可嗟矛頭浙米險些些定知貧賤牛衣債未了扶

風處士家

略減容光滿片痕壓驚荷令最慙慙豐容不稱詩人婦正好環

肥瘦二分

風鬟水珮動珊珊飄瞥氛煙一慘顏擬抱齊紈同玉碎爲郎名

字在中閒

附和隨聲到處皆遺珠喪貝巧安排圓明三五如珪月見否團

團在妾懷

拋到俳諧笑不禁那言鄉土力難任佗生願化同心藕補種情

絲入地深

來書云鄉土無此風致佳人失扇子去恐是爲地所囿云云失扇事雖子虛其言致足感也

晨起海棠見一花矣詩索舍弟和

雞鳴庭樹白初日上何遲碧露悄含凍幽花明見姿春華歸晏  
歲吟興忘調飢信口詩篇好原通以息吹

過粵秀書院是杭大宗編修舊講地卽呈區仁甫先生

槐階晝靜陰離離秋蘩滿地涼珠垂連步堂皇轉深閱夏屋具  
與賢者宜咄此海邦一片席名公先後常肩差堇浦老人號儒  
碩殿前作賦摩丹墀學老材鉅載翕受會希賡拜追龍夔過雨  
鄰翁告牆築初昏新婦陳竈炊優容便見盛明世江湖魏闕皆  
余思中朝歎惜南士喜晝以團扇繡以絲門下羅  
元煥陳華封  
盡才俊說詩更有何西池一時推挽此焉盛韓山蘇海齊等衰

天爲南方洩瑰偉貨公手筆揚詔之波羅廟邊峯紫翠昌華苑  
外波漣漪七級金塗鐵鈴語雙門花漏銅龍噫盡借登臨寫雄  
快百篇在手宮商吹勝地述臣兩激發甯比鬱屈哀湘纍後來  
老沈亦耆舊擬園先生嵌壁石刻猶歲筵訓詞深厚文爾雅跌宕終  
遜公風規嶺南一集在天壤名山千古欽厓屨我思山長匪官  
職諸生北面環皋比有時謫領士林口去思勝似良有司我生  
繩墨託大匠曲轅三載歸工倅大小雅材共闢切人師不愧甯  
經師百年文獻未銷歇今昔繼照同娥羲高山堪仰自不朽安  
事元凱沈豐碑

李孟蘧

鳴韶

明次卿

倫

馮愛之

汝棠

南歸同枉城西寓舍

有作兼簡徐佩韋

台英

李愷儔

彪元

湖海收身客塵纓叩我彈銜杯霜月皎聽角晚風酸斫地悲歌  
易登天得第難到憐空谷榻幽夢汜崇蘭

過瀾石追悼劉崧孝廉六首

纔合金華宴俄悲玉樹沈煙雲成過眼貧賤失知心楚些招何  
處越吟傷至今

孝廉疾前詠白蓮句可憐君子花飄零墜殘雨竟成詩識

那堪賦懷舊搖落

正秋深

憂是傷生事斯人不永年種情原絳樹

孝廉紅帖及門而生故小字絳生而齎恨

畢黃泉羽翠留觀美膏明惜自煎縣厓今撒手靈氣想翛然

風骨平生傲交余首忽低集虛名士少邁遑古人齊逝水齡何  
促尋山願已睽趙嘉無限志招悵唱黃雞

亦解彭殤理嗟君白髮人彌留仍子舍泉復迺慈親苟偃含猶

視元賓研又陳屢思牀下拜哀慰兩逡巡

記昔憑棺慟眞傷執紼情誅言應有作悽斷不成聲論廣朱公叔號來范巨卿得通冥漠否我亦太癡生

咫尺過瀾石歸帆面爾居生芻徐孺祭死友秣陵書哀角清霜裏寒江落木初煙蕪塋草宿流恨滿郊墟

贈馮六愛之明二次卿時二君相約假館城西僧舍

一別如風雨三年聞薜蘿愛才焚硯得結客散金多聞世天如夢平情井不波惟餘遲莫感對酒足高歌

吾生安逆旅今日且郊祠佛火幾星碧山光無數青龍蛇有藏蟄蘭芷合芳馨頗快聯牀約幽談到梵經

六桂山樓望春之作

游鳥檐聲喧喧聲有餘  
羅春陰不到地  
羃此西景急雲膚  
磨未瑩石髮  
泣已淫波生搖溶溶  
葉委涼浥浥碧草天  
青冥望視困遙集  
百里墮深阻煙絲兩  
城邑相思負無力  
寄遠來靡咎天長  
夢魂短知汝芳華  
泣屏營面山樓日夕  
光景入煙鬟渺含態  
窈窕赴獨立何當飛  
朝晴忘憂挂吾頰

峽山寺四首

北水奪寒峽  
回回千里來  
溯流三折入  
鑿翠一門開  
阮徑蕪隨沒  
禺祠筠可材  
添衣夜多警  
猿噉有餘哀

一髮尋初地

舊飛來寺

攀行頂抵尻  
巒山入烏鬼  
人命颯鴻毛  
鶴鶻

排風出巖  
蹶得路豪  
年來解齊  
物未肯置  
身高

栖巒古凝碧  
題句不能終  
照眼此梧水  
曾窺蘇長公  
蛟壘寒不



睡松栢遠生風欲語無生法收心息梵宮

拱別應公去

應大師廣西鬱林州人

纜舟清我心嘗魚寒具出談虎夜鐙

深雲合諸峯色風颭萬壑音江湖方滿地滅跡不成陰

寄宗琦弟正覺寺山居

高齋平割鶴巢居清簟疏簾夢有餘人語如潮無意後松涼潑  
水未秋初偶因遠道猶憐我得住名山合著書坐客莫須談外  
事此閒風月最清虛

韶州曹溪口有制府盧都堂遺碣慨然賦詩

昔年吐氣謁臺端賓從威儀會漢官較量尚憐三雅小論才不  
覺九州寬龍門峻極青天遠鶴羽襍褻白日寒今獨扁舟緬遺  
蹟西風吹淚使君灘

公嘗見謂天下跡大人  
才有數至今心感其言

有憶

敵詞敷衽太丁寧贈別迴腸宛轉傾禪定可因香破戒天生何  
用酒爲名橫塘曉發楊枝膩芳渚春遊蕙草生最是憶君鐙欲  
施更堪江上子嚮聲

古勸酒

今日良宴會急觴甯復辭令節易風雨情人多別離

寄劉九潭州

行客與秋葉漂零不轉頭華年長旅食湘水接離憂鼓瑟靈娥  
怨投書羈宦愁招魂無處所最是古潭州

朱九江先生集卷四終

再傳弟子校彙於讀書草堂